



ENgistus & Horsus in Angria apud Vuestphala magna fortitudine & prudentia Saxones gubernabant. Cum autem ea terra angustior ipsis uideretur, quam quod tot duces capere posset, undique occasionem captabant, quam nam ratione finitimos superare, & nouum regnum acquirere possent. Accidit autem commodum, ut Britanni a Pictauis et Scotis grauitur premerentur. itaque Vortigerus eorum rex Saxoniam duces in auxilium euocat. Eam occasionem Anglosaxones laeto animo arripientes magnis copijs in insulam traiecerunt. prelio autem inito uictoria penes Saxones fuit. Itaque Pictaui, qui ex Scythia uenerant, penitus deleti, Scoti uero in

Hiberniam & extremam partem Britannicæ insulæ reiecti. Cum autem Germani eam fertilitatem agrorum, & cœli clementiam admirarentur, non contenti erant partem aliquam regni stipendij loco accepisse, sed ipsum quoque regem bello aggrediuntur. Hac necessitate rex impulsus pugnam cum ijs iniit.